

尚

綱

堂

集

尚絅堂詩集卷三十六

陽湖 劉嗣綰 醇甫

五甲集上

甲子

歲甲子仍留揚州計余已歷五甲矣逝者如斯惘然  
成詠

新春雜題

十日東風裏家園住少時丙丁初換帖甲子更編詩冷況  
冰蟄在閒愁爆竹知玉梅吹落早魂夢亦參差

剝啄聲初斷清齋得小眠打鴉看避彈襖鼠聽拋錢院冷  
空燒燭厨荒已禁煙近來情緒損端不似新年

明插垂垂柳離編碎碎花青紅來女伴淡白似僧家酒薄

無多綠燈寒不易華東鄰偏懊惱促坐弄琵琶  
尋春無好友十步九徘徊埜水逢橋斷聞門背郭開日高  
塵馬起風定紙鷁來此地經行慣空餘漠漠苔  
小隱宜禪寂朝來且掩關亭空留古雪壁破補春山紙帳  
無新夢桃符改舊顏客衣行料理難得剪刀閑

新正戲作小樂府二章

鼠嫁女

正月初一夜俗傳老鼠嫁女輒掩戶早寢

正月一日燈早滅鼠女待嫁嫁過畢紛紛入穴看乘車相  
鼠有禮當有家一鼠行羣鼠語公然數錢學姘女鼠兮只  
解穿我墉主人日坐空倉中嗟嗟春來穀勝玉鼠姑開時  
鼠婦哭

紫姑神

正月十五俗傳紫姑神降夜靜後設香屬祀之

門前鬧蛾飛破春家家紫姑來降神  
小姑結束向神拜但乞神巧神勿怪清風一庭香一爐  
小姑切切語紫姑不願婿子胥不願婦  
曹夫花旛綵勝神兮扶簾吹轉角勝打結  
紫姑回身掩燈泣

漁家

烟雨晚冥濃漁家入畫中  
鷓鴣閑不得眼冷信天翁  
元夕風雨泊京口飲廉山葛石山房

瓊壺凍合江樓寒十里五里無春看  
華燈滿堂代明月倒卷星旗森畫竿  
霜風如刀割眸子龍骨千山白于紙  
人閒盼斷上元書圓魄沉沉海妃死  
舉杯呼天天不聞挂帆我

欲從焦君鵬絃羯鼓聽不得船頭作使銅將軍

上元後二日重至題襟館風雪竟日枯坐成詩

春江催上隔年槎落盡燈聲月未華新歲夢回驚節鼓故人書到雜邊笳鴻飛遠水疑無路燕傍東風便當家騷屑莫寒禁不得憑闌獨自惜梅花

立盡松林更竹林迢迢暝色上離襟重依別館吟聲苦小住虛堂盡理深聽雪頓空流水相焚香閑養白雲心年來道味兼禪味要著工夫子細尋

社日答友人

細寫春愁寄與君蕪城悽斷鮑參軍落花下地深三尺寒月當空減一分茶竈盡傳新社火硯池閒宿舊山雲年年

枉食神仙字冷落生涯自賣文

吳中人來知何豈匏死兩月矣感而作此

爲子一聲吞舊遊空復論拙遭人笑罵狂借酒寒溫詩草  
生前冢梅花別後魂瀟瀟塘上雨無處更敲門

春月

春城一望是天涯明月隨人又別家烟水有情初困柳樓  
臺如夢忽當花飛來塞上猶橫角照入河流只斷槎今日  
東風應不省最高寒處已霜華

春分日

垂柳他鄉樹飛花別院天客爭拚此日春亦感中年病思  
愁燈火繁聲厭管絃朝來江上酒無奈是離筵

杏花

老梅開盡小桃遲，豔絕江南此一枝。  
花得意如人醉，夜客銷魂是燕飛。  
時樓中聽雨，春將斷牆外流紅水，不知多少日邊閒倚在荒荒埜店獨尋詩。

寂寂

寂寂臥江城，風花過眼驚。  
傭書銷壯志，洗鉢送浮生。  
野藥鉏雲種，溪茶貯月烹。  
閒中須有味，不是傲公卿。  
積雨江邨久，林昏翳未除。  
爨烟寒若此，米價近何如。  
赤壤膏將盡，蒼生脈未舒。  
無田吾亦得，國計要農書。  
白羽書淹滯，黃流箭決衝。  
長城猶飲馬，大海未降龍。  
土木官家帑，金刀戰地烽。  
此時須善策，豈暇計勲庸。

裕國籌原苦招賢禮自優方求真馬骨敢說爛羊頭百輩  
冠裳會羣生衽席謀聖人刑賞至覆餗莫貽羞  
自溯青門業中年百感侵了無經世策敢有近名心祖笏  
寧忘闕朋簪許入林吳鉤隨我去當日會龍吟  
淮海名何有江湖興已闌才疎憐計拙誼重覺身單去住  
親心苦饑寒古道難兩三知己外此淚未輕彈  
道在懷師友心孤泣鬼神名山須絕業薄海幾傳人脈脈  
憐枯樹勞勞嘆積薪江樓登及夜親切看星辰  
感遇平生事微名亦可羞衣冠別東閣涕淚滿西州識面  
搯觚日酬恩挂劍秋是非公論在未敢誌山邱  
諸公如東臯竇先生金國謝先生芸  
相彭先生年來凋謝殆盡感且愧也  
結平生以  
文字受知



丙舍營先隴  
瀟阡傍祖塋  
鶴歸松洒淚  
烏哺水吞聲  
有弟眠長夜  
何因結再生  
天涯一盂飯  
明日又清明

春日重過某氏園

平泉卷裏識山莊  
翠柳青梧幾行上  
日烟花猶爛漫  
中年絲竹最淒涼  
名姬與馬都曾換  
健僕如鷹漸已颺  
蠅燭也同人感舊  
東風吹淚滿華堂

憂來

憂來傷性別傷神  
淺醉深眠可是真  
明日綠陰看不得  
江城攀斷一株春

芟草

芳草當護芽  
惡草務去苗  
斬伐亂其例  
元氣爲不調  
春風

入蕪徑萬卉一動搖所苦蘭當門不如艾與蕭薰猶苟雜  
處能使善類凋孤心留勁節衆力扶柔條母令生理絕附  
物悲陵茗

舟晚

小閣春愁滿孤舟暝色多看山如被酒弄水忽成歌舊夢  
拋青翰閒情減翠螺迢迢江際月不肯上簾波

春江一首

風柳千絲綠可憐闌干西畔易成烟春江尙說人如月悽  
斷蛾眉是下弦

舟過塘栖

十里湖天放晚晴滿塘濕翠不分明人家萬瓦水苔色客

橋一枝風竹聲漁舍綠楊曾識面酒樓青宇最知名近來  
漸覺炊烟少米價江東苦未平

屠棐塢招集同人雨中飲吳山之圓磬山房寫圖索  
詩賦五言四章卽題其卷

十日來杭州五日雨竟天言逢今舊雨招我吳山巔涓涓  
漱屐齒下有飛來泉攀枝墜蒼鼠踞石追頑仙左江右西  
湖橫我拄杖前衣帶一蕭颯冠巾各翩跹山人方竊笑樹  
杪馳荒烟興到卽千里悲來成百年

雲滂湖上山雨餘光景乍不知雲出沒祇覺山變化烟光  
無片段一縷曩林罅回看屏間色冷綠天可畫屠子淡宕  
人餘事董巨亞詞源落杯底海水向空瀉浩浩蛟龍遊飄

飄鷺鷥逐解衣君倘能圖我白雲舍

寺門掩諸峯趺石長荒草牧童騎牛來泥馬互顛倒爲言  
經火後塵市此中少不獨人烟稀坐見物華槁樵蘇三兩  
家零落漸不保天心方冷節風日幾時好回頭謝山靈茲  
遊苦不早

松風何其哀白日颯颯瓦中有讀書室故人昔焉假身登  
著作庭相繼朔風雅殘編半彫落遺墨尚瀟灑寥寥金石  
交過者亦已寡寒灰飛不起佛火亂鬼馬魂來安可招帶  
甲況四野如聞衆山泣忽被昏鐘打作詩傷我心持以告  
來者

圓磬山房舊爲吾友張  
畢開金朗甫讀書處

平叔招遊唐氏園亭看杜鵑花作

躑躑東風繞郭尋杜鵑樹底一沈吟酒痕似雨濛濛散花  
氣成霞灑灑深九日能開終恨事三生不死爲春心主人  
好與籠紗去明發重來是綠陰

偕米樓雨後行山中

山空雨過雙屐涼泉韻入齒相宮商枕流聽之耳清冷樹  
邊思君令人瘦笛聲歸來何處牛牧童搖頭牛點頭挂瓢  
水中看牛渡草風離披下山路

閒題

東風鎮日蹋青忙掃得閒門趣較長一角斷垣人不到自  
尋芳草過斜陽

郭外晚興

茅屋蕭蕭帶夕陰斜橋宛宛接疎林偶聽流水成殘夢閒  
看孤雲得遠心清興不妨兒輩覺好詩須避俗人尋眼前  
便落滄洲想一笠衝烟獨自吟

讀管子

輕重權九府東海擅富強我讀內外言政令精且詳惜哉  
雜霸術未足語帝王魚鹽侈山海俗乃輕農桑理財無本  
源其流必不長區區釜鍾德早卜田代姜五法縱未數四  
維安得張篇中況僞託立說踵敗亡後來心計臣作法自  
此涼快讀平準書天雨烹宏羊

讀墨子

一孔言已微三墨道方盛七十有一篇失在敢非聖當其

伸獨見詞旨亦嚴正得毋有激成貴義特賤命兼愛利天下意在息爭競古來伊周憂亦有堯舜病苦心儒者同太過議則橫倘得聖所裁一理可堅定世人徇爲我楊氏教日勝吾將止衆喙持此返清淨

讀司馬法

夏官非全書軍禮闕莫補良哉司馬法述者異莽鹵謀篇首仁義尚德不尚武居然戰國時取則三代古穰苴權術流淺近豈足數美名幸比屬私論惜參伍吏遷有特筆作傳意良苦咄咄孫與吳貽謀乃怙祖

讀參同契

儒者貴攻異道家務參同丹經有真傳後乃離其宗水火

非外至要恃神明充滅性喪厥身萬古憐愚蒙旌陽循吏  
事勾漏名臣風偉哉忠孝懷保此純一衷託命有實理豈  
在逃虛空營求矜獨秘濟物誰爲功請看劉安仙雞犬皆  
雲中

艾虎行

艾葉之豹南山阿以艾作虎虎所訶三年采之五日多不  
以治病乃治魔纖纖女手繭一窩於菟約束絲五紵有白  
其額安勿頗有丹其睛點不磨亦有耀首誇秦娥虎而翼  
者冠峩峩插艾戲學飛蓬科朝來競渡虎渡河虎兮有神  
倘護呵汝封使君政則苛泰山之婦涕泗沱婦有善搏笑  
者過以虎驅虎安知他不用虎賁前執戈黃金四目如彼



白香齋詩集卷之三  
讎盡逐妖魅歸人和虎之偃兮來婆婆迎虎請去田中羅  
艾而張羅虎奈何

過汪孟慈喜贈

孟慈爲容甫子

歌吹揚州沸幾幾庭陰如畫此清風秘書舊說劉中壘絕  
學今傳鄭小同紗幔授經原令母練裙題字亦奇童寸心  
便足千秋業只在蕭然抱卷中

浮漚篇

銅壺漏雨何涓涓空階迸出跳珠圓一波入手笑可掬十  
十五五浮鷗然天風落人間不觸如虛船畧無根芥蒂只  
有萍沿緣初看魚沫吹碧水忽訝蟹眼翻清泉一彈指頃  
互生滅水自不競天何權化工無物以物化象外之象元

中元君不見洞庭三萬六千頃峯峯起伏如螺旋又不見  
十洲三島儘遊戲蜃樓一氣相蟬聯胸吞幾派雲夢水眼  
看九點齊州烟堂均之小乃若此亦有江海爲淪淵主人  
請作逍遙仙不然打破虛空禪一篇秋水悟齊物滄浪高  
詠來前川

綠陰

芳樹前頭思不禁天涯眼見綠成陰風光隔水冥冥遠雨  
意當空漸漸深門巷過時殘蝶戀樓臺欲暮亂蟬吟笑他  
杜牧狂無賴何處春遊計再尋

羅浮雙蝶詞爲題襟主人賦

翩翩葛仙衣冉冉麻姑裙何來雙蛺蝶飛下羅浮雲羅浮

雲一片山下無人見不道紫羅囊遺來白團扇團扇畫秦  
娥思鄉奈遠何雙飛飛不起烟雨過江多江天無伴侶鳳  
子狂如許相見但紅絲相思還翠羽翠羽夢無憑東風識  
未曾朝來芳草色一綠到青陵

放蝶後數日惕甫書來云有蝶墮樗園池中洒灰而  
活之越日仍化去因葬之池邊有拯蝶葬蝶二詩紀  
其事余爲賦悼蝶一首

救蛾惟火災救蝶乃水厄嗟汝出繭身歷劫墮不測主人  
昨放汝恐汝海天隔鸞皇合同遊鼃黽遽相迫莊夢不復  
來屈魂欲誰適大還苦無丹小葬竟成碧衣裳殉文采金  
粉慘標格齊宮蠟已化隋苑螢徒積剪紙招汝歸相期萬

僊宅

和賓谷丈雨夕見示韻

輪囷肝膽向誰傾  
主客相依耐此情  
淺醉豈能支永夜  
深談何以慰平生  
蠶餘春恨猶三起  
鶴老秋心更一鳴  
簷下孤桐身世在  
風濤不定總堪驚

芟庭前樹枝有作

選花當選葉  
葉密無好花  
選樹當選枝  
枝多樹槎枒  
化工職生養  
要恃人力加  
裁成得其用  
剪伐非所嗟  
心空表孤直  
意出矜橫斜  
繁蕪一以刪  
始覺清陰嘉  
撫樹三太息  
日莫徒棲雅

雨夜見螢

積雨已如此爲光能幾何  
依林無月露卷幔卽風波  
夜久炎涼盡庭空聚散多  
年時燈火地耿耿是星河

晚步園中

一綠不知地古牆如許陰  
新蟲無近語老鶴有秋心  
樹色當書暗衫痕與酒深  
怪來池館寂六月未蟬吟

題捺桄圖

門外風波日夜潮水東樵  
語水西樵看君唱入烟霞  
去雙髻青於郭四朝  
朝朝羽扇渡江秋未必君  
來肯臥遊要得帆收須桄  
轉海天一漾是中流

詠庭前紫薇花

夏綠已如雨窺園無春風欲攜千日酒賞此百日紅  
寒衣露猶濕卷幔烟初籠  
髣髴杜紫薇却立庭堦東  
深姿謝淺色不著淡冶容  
花繁任瑱碎幹曲能玲瓏  
觸手無寸皮搔之輒搖空  
方知痛癢意在筋脈中  
一理通樹人斬伐難爲功  
園丁慎防護弗使埋榛叢

掃晴孃

南方人久雨望晴剪紙作婦人持帚狀以竿懸簷  
下名掃晴孃

鳩婦喚雨無乾聲東家小姑來掃晴剪紙作人細熨貼衣  
袖郎當向空立竹竿三尺絲一條有魂只許風姨招風中  
翩翩白雲帚欲晴不晴但搖手世人翻覆一手中此心惟

有朝陽同朝陽不來怨其雨妾首飛蓬奈何許君不見街頭空有蹋搖娘朝朝開掃新臨妝

僊蝶謠

祁生滬城書來云平遠山房演所撰洞庭緣劇忽有羅浮蝶大如扇飛繞龍女衣數匝因止座隅良久方去繪圖邀余賦詩余時方有所感也賦仙蝶謠寄之

有蝶兮僊仙羅浮兮長年高峯兮四百遠路兮三千飛飛兮煙雨悵江南兮迷處所驚別院之華林豔誰家之妙舞歌梁兮滿塵堯目成兮美人掩班姬兮團扇留飛燕兮長裙帶邊何欸欸一夢三生短空下鬱金堂長辭桂華館謝

客兮來遲韓憑兮別枝邈人間兮不可留託香魂兮長相  
思香銷兮翠委華年兮一水烏白頭兮怨生草紅心兮愁  
死生死兮裴裴仙山兮古苔願素質之自保從麻姑兮歸  
來

醉雲樓歌爲江文叔賦

楚雲暮暮作神女章華細腰渺何許秦雲年年如美人卷  
衣不見阿房春雲來江南復江北客有停雲蜀岡隔對山  
樓上山山雲主人喚得雲中君山雲多紅水雲綠綠是酒  
搖紅是燭扇障秦鸞尙一重屏開孔雀應雙宿白雲夫謠  
妾不知紫雲娘曲郎相思妾身未許爲泥憶郎意先成抱  
日癡雲波漾影高樓住樓上花光樓下樹樹底蜻蜓拾翠



人花邊蛺蝶栖香路蛺蝶蜻蜓別作團東風沈醉不知寒  
請攜雲母窗中筆分寫江郎雜體看

仇十洲上林圖

漢家典冊相如才封禪乃有遺書開詩成未入柏梁宴表  
上不訴天哀一篇諫獵事非偶諷諭深深託烏有楚地  
波吞雲夢胸齊封石刻之罕手仇生妙筆世所無懷古邈  
在昆明湖特從元狩紀年代來向上林規畫圖斯時文景  
承平後別縱遊觀誇苑囿地上黃金盡可成露臺含笑先  
朝陋離宮百五排碧城羽林十二連綠營舍人好逐投壺  
隊臣朔羞隨執戟行公卿幾輩圍場列侍從如雲四山入  
千騎縱橫抑兕呼六宮縹緲當熊立翼翼飛樓出建章迢

迢馳道接長楊何人許射蘇卿雁此地曾牽卜式羊風禽  
雨獸互飄灑威名不獨蜚狐野芝草房深頌白麟蒲桃塞  
遠歌天馬萬里珠厓縱罷兵可憐徭役已疲氓旌旗慘淡  
桐鄉色戰鼓銷沉瓠子聲開圖指點生蕭瑟雄心一往嗟  
何及警蹕猶看豹尾塵遺弓莫下龍髯泣甲帳風雲殿角  
收人間一種茂陵秋當時惜未成仙去留盡麟洲與鳳洲

哀呂堰

爲湖北呂堰驛巡檢王君翼孫作也君長洲人嘉  
慶元年受呂堰驛巡檢事時黃龍壩賊起屢犯驛  
君集鄉勇守甚力並列戰守議八條上大府不報  
三月廿九日賊衆至度必死乃作家書付弓兵劉

祿閒道歸飛書白大府告急援不至鄉兵漸潰去  
君橫刀登大橋手刃數賊中矛授橋下賊鉤而出  
之罵不絕口遂被害毀其尸閱數月賊退從故吏  
廖之義得其死狀事聞卹授雲騎尉世職入昭忠  
祠襄陽人於橋上立祠祀焉君兄芑孫乞余紀其  
事爲賦哀呂堰一首

襄陽賊兵呂堰誰守驛者王巡檢吁嗟巡檢官則輕以  
死守驛同守城守列八議官不用官兵縱賊賊兵衆三月  
廿九歲在辰巡檢突出奮一身手書報家身報國身退一  
步死不得是時殺氣橫北橋梟三賊首賊勢囂巡檢大呼  
橋下墮巡檢一死賊膽破至今賊來不敢橋上馳英風蕭

蕭巡檢祠

題李東田水蕉花館詩草

東田名士慎  
番禺人拔貢

海風吹山二樵死

謂黎  
二樵

蓋背霜紅幾千里誰攜行卷過揚

州詩骨秀奪蓬萊秋仙才鬼才雜歌哭長空響斷參差玉

手擘苔牋寫不成水蕉一夜江天綠

蓮裳得麻姑石可尺許色微綠理若魚網然名之曰

綠網邀余賦詩

麻姑不叱初平羊綠髮如苔生石梁拖烟織雨補天處手  
疊鱗雲鋪水光仙扉沉沉鎖魚鑰吹下風波青玉峽漁人  
賣却洞庭秋龍女歸來留片甲人間網遍無西施不如填  
海長相思只恐蓬萊易清淺紅輪搖斷珊瑚枝

一雨

一雨能令暑氣清竹床如水浸桃笙縱橫書卷供眠起顛  
倒衣裳廢送迎螻蟻過牆侵蝶夢螳螂移樹讓蟬聲閒居  
了却經綸事日坐秋林看化生

客病一首

蚊聲爭夜鴉爭曉客病欲眠眠苦少亂愁一片積蒼苔手  
把松枝不成埽耽詩成癖書成淫中有二豎來相尋經旬  
斷酒渴生口一夕敲碁枯到心面黃合比瞿曇古髮脫秋  
林豈堪數蟬腹何妨飲露甘蠶身太爲牽絲苦長櫬語汝  
試一聽伴我刷取千年苓壺中便賣長房藥鏡裏閒鈔扁  
鵲經

六月二十五日夜坐得句

莽莽天風逼四更有人露坐待天明  
斜河西下月東上屋角片雲流有聲

家春橋索詩贈別戲書其卷

讀君紀遊詩不是能忘言贈我有聲畫  
報君無字禪君如劉曉行我如劉夜坐  
明日各天涯春星兩三箇

夜起得句

夜白夢成午空堂蝙蝠飛月行疑讀畫  
花坐當熏衣鶴骨多生瘦蟲心太古希  
祇餘詩思好風露入清微

尚絅堂詩集卷三十六終

尚絅堂詩集卷三十七

陽湖 劉嗣綰 醇甫

五甲集下 甲子

小住

小住秋林百不營  
人天隨地得空明  
青山隔面忽神往  
碧月當頭還意行  
書到健忘疑再世  
曲能偷記是三生  
此身可便常蕭瑟  
靜聽閒階落葉聲

七月一日湖上汎舟

一月閒階鎖綠苔  
生衣初換出城來  
西風吹得香成路  
纔是尋秋第一回

弄珠歸去滿船歌  
畱與湖天夢一窩  
荷葉似雲花似月  
夜



來雲月待如何

西瓜燈二十韻

瓜洲夜淡白燈市烟空冥一繩碧樹碧四照青門青西域  
薦甘脆南皮削清冷抱蔓入手巧登盤鎮心靈核鑽笑井  
李實剖同江萍補天蔚藍見剪水玻璃聽并刀佐屈曲漢  
掌擎瓏玲碧玉痕破甲金瓢字排丁旁珥鼎耳折上環釵  
頭停刻翠雙宛轉鑲冰疊蛤蜊一蒂落幻相九枝栖真形  
長明借寶盃小繁添鼓鈴修桂掩素月懸匏蕩華星火齊  
漢殿帳水精吳宮屏窗深綠似豆屋小紅分螢巨棗仙燦  
爛盃蘭佛芳馨雨裏簪葉蓋風吹楊枝瓶流影蓮北路飛  
輝竹西亭五色曉照耀孤光秋飄零瓊玖此誰報琉璃吾

能銘

行雲

雲去雲來不自知行雲只自笑人遲將身却與行雲看更  
爲看雲立少時

絡緯吟

絡緯吟傷秋心秋心斷續不可尋乃在芭蕉之側梧桐之  
陰美人兮悵悵弄杼兮中林爲蘇嬈兮織錦機爲女嬃兮  
搗衣砧孤臣思婦渺何許至今留得纏綿音更深無人金  
井泣鹿盧轉入空妝琴兒央帶翡翠衾五紋線七孔針秋  
雲輕似羅秋月白於襟當階促織不成匹春梭拋擲高樓  
深迢迢風露接長夜蜘蛛網濕蟪蛄沉千絲萬緒不可以

復理嗟爾之口安能任絡緯吟傷秋心

塢鐙詞

天梯夜走琉璃燈江底空明搖七層星幢盤旋月輪繞漆  
火欲上愁難登一枝塢豔九枝影明河如繩挂竿頂高寒  
照見芙蓉城十萬神鐙俱在井齊聲禮拜飄佛烟鬼門迢  
迢光可憐四更魂歸斷歸路塢鈴顛當喚人渡

河鐙詞

秋螢離離夜如海雷塘啼斷中元鬼孟蘭滿地賽水仙沿  
江施鐙當施錢紅燈荷花綠鐙葉衆鬼伶俚蹋波立鮫人  
波底弄珠來搖動星辰九天濕南油一夜西風飄鬼來迎  
潮人送潮陰燐忽走逗秋雨燭光綠上青松梢

賓谷丈以嘲蟬詩見示請下轉語爲蟬解嘲

入山何處深且覓道旁陰一世本同蛻五更還獨吟流雲  
皆幻相飲露是初心所恨無情碧蕭蕭接古今

閒園

閒園終日片雲停借得秋聲幾樹聽仙骨不如蟬解脫客  
魂常共蝶伶仃窗前草向愁邊綠盡裏山從讀後青斷礎  
一重闌數折他年應有夢來經

蓮裳示余句云秋來盡是無情夜那得蛩聲不斷腸  
余答二十八字

閒階一尺路難平總爲荒寒不肯行人自無情秋自苦蛩  
聲訴得最分明

秋雲

秋雲吾與汝江上一徘徊  
墮影隨潮去鐘聲渡水來  
雁行分浦激漁火出樓臺  
欲問黃河汎仙槎幾日回

京口遲味莊先生不晤却寄白門

海上三山歎公住江上三山送公去  
公官瀕海過江來一年幾度題詩處  
江城有客方憶公岸巾招手烟當中  
輕帆如鳥一相失海門樹色青濛濛  
昨聞海國添兵仗戍火臺烽屹相向  
龜鳥旄頭慘淡雲魚龍水面奔騰浪  
秋風駕海誰揚僕夜月登樓空庾亮  
白羽新傳閩嶠書青天尙轉秦關餉  
嗚呼江鄉被水村村哭父老逃亾同  
轉燭難寫流民一幅圖漫思寒士千  
間屋孤舟不繫驚波濤澤雁叫侶城

烏號飄零似我豈足數黃金遍地俱蓬蒿知公感惻向公  
說杜甫心肝竟何益欲跨輕裝上白門寶刀一夜霜前折  
吳次升應官入都先有秦中之役賦此送之

一官驅汝入燕秦門外真無四角輪已慣蓬飄甘薄宦翻  
愁米貴累衰親好冠莫負新彈日長袖終輪善舞人多少  
安仁當路拜要留仙骨在風塵

征衫宿酒幾時消如此關河去折腰萬里夢魂曾出塞廿  
年詞賦早題橋飄零白傅楊枝恨冷落淮南桂樹招雲盡  
還山君出岫教人那不望青霄

七月廿九歸自東郭適祁生詩至會三首

西風吹冷古城陰消得芭蕉信步尋秋草碧如人可意晚

花紅到水傷心

河塘簫鼓饗叢祠遊女如花唱竹枝記得那年今日別莫

帆飛盡立多時

詩箋傳得少陵筒住是愁中去病中

加生原句

畢竟與誰商去

住小樓鈴語夜丁東

東錢筠村卽題其秋水圖

相思有遠懷相見無近懼坐君几席間輒作曠古看流塵  
閱離緒積雨耿夢端窗前一寸苔已復盟歲寒悠然卽豪  
素託興成渺漫一水動者機往往得靜觀自足莊惠樂應  
知箕穎寬從君茲息遊晤言申考槃

晴芬督學黔中却寄

牂牁秋水碧於天  
萬里仙槎坐渺然  
難忘音書通白雁  
便聽樂府唱朱鸞  
才多定有量文尺  
俸少休論賣賦錢  
珍重唐蒙持節地  
采風須自漢唐年

倒挂鳥

鳥夢一顛倒  
隔花無定光  
鏡開朝貼翠  
簾卷夜收香  
鳳子仙心幻  
鸚哥客話長  
相逢各相惜  
烽火阻蠻鄉

秋盡日休園小集聯句二十四韻

砧杵鳴空外

樂鈞

烟霜接水涯  
送秋辭白袷

嗣綰

攜伴試

青鞵城曲樊家第

鈞

溪南杜老齋  
閑牀分菊枕

綰

矮几列

松牌闌茗嘉賓戲

鈞

彈棊曠士懷  
三休疑楚館

綰

一笑有

吳娃女首垂銀甲

鈞

臣冠挂玉釵  
狂歌酬小海

綰

痛飲吸



長淮往者蛟門叟

鈞

高名鳳閣齊吟壇開紫澤

紹

仙侶集

洪厓丹竈庚申守

鈞

書籤甲乙排梁深曾住燕

紹

廬破尙

容蝸舊逕憐重掃

鈞

遺香弔昔埋蝶魂銷別院

紹

蟲語碎

前階翠蔓粘危石

鈞

紅莓繡古槐桐材嗟久爨

紹

竹粉戲

同揩子美寧忌此

鈞

卿言亦復佳沉檀添睡鴨

紹

鼓吹屏

喧蛙望遠偏樓小

鈞

尊芳每路又客心寒比露

紹

詩骨瘦

於柴大地吹風燭

鈞

遙天斷雨霾出塵輪佛祖

紹

搏土任

皇媯惆悵蕭辰過

鈞

婆娑穀旦差夜歸人影散

紹

明月暗

西街

鈞

雁來紅聯句十六韻

鵲鵲催春去

鈞

飛花盡馬蹄涼飈商館發

紹

深草漢宮寒

有卉如初莧

鈞

孤生異瘦藜明明新綠慘

緇

忽忽亂紅迷

豔氣依莖出

鈞

芳心抱葉齊丹疑分鶴頂

緇

血欲悞鵲啼

繒綵千重裏

鈞

珊瑚七尺攜印看鴻爪在

緇

排比雁行低

塞上程何遠

鈞

霜前候不稽銜蘆方羽化

緇

得地且烟樓

砌冷驚螢火

鈞

庭空惜燕泥幾鼓閒點綴

緇

三徑轉清淒

蜀郡裁箋女

鈞

秦川織錦妻遙天書總斷

緇

流水句難題

顏色秋原淡

鈞

韶華日又西料應年少客

緇

飛夢到中閨

鈞

秋海棠聯句二十四韻

春睡花巢醒

緇

秋魂草路銷庭空團晚綠

金

學蓮時淺

積寒條冷豔星星吐

郭琦

柔情脈脈搖弱難禁露重

樂鈞

幽得避陽驕帶裊蜂腰細曾煥分蝶翅招檀心抽亂緒

吳照酒頰暈微潮翠羽瑤仙拾綽紅綿繡女挑羅裳剛半

曳蓮珠朶忽斜翹褪盡千重錦琦留將八月嬌迴腸今欲

斷鈞怨淚昔誰飄有約曾投李煥相思但采蕭懷空交甫

珮照信阻尾生橋化石心難轉綽成烟恨許描湘陵啼在

竹蓮泉室泣爲綃不分壺同貯琦從看燭再燒三生留冶

葉鈞萬古此情苗石氏藏深屋煥唐宮惜短宵姿應同蕙

歎照時竟過桃天院落都風雨綽闌干又莫朝疎根吟蠅

蟀蓮殘影伴芭蕉舊夢紅牆隔琦前身畫閣遙蘭情渾不

記鈞絮果總無聊涼已愁銀漢煥開休近綺寮恐教思婦

見照金粉爲伊凋綽

曉起爲蘭池題畫石

鴉聲爭初陽，樹開庭。蜚忽聞掃葉響，窗隙白雲漏。伊人  
先我起，面壁隱孤秀。圖中石兄來，一綠堆衆皴。虛空突破  
碎，但見稜角鬥多君。邱壑懷嵐翠，滿襟袖等山。通地肺，汲  
水鑿雲竇。酒難消礪礪，詩已入峭瘦。廬容走能抗傲骨，揖  
相就他年海嶽邊。結廬共巖岫。

寄張鶴舫明府天長

未見卽相憶，見時曾幾回。鴻羈中野翼，鶴養舊山胎。拙宦  
存吾道，狂歌老此才。去留非得已，常盼短書來。

匡廬觀瀑歌爲白庵賦卽題其卷

白庵挂冠思買山，青鞵走入匡廬間。買山無貲須賣畫，畫

千系山圖卷之三  
裏尋山山許借廬山之遊我未俱君言廬山真可廬蒼髯  
五老留客居垂垂瀑布千丈餘我無寫瀑手但有觀瀑眼  
亦無觀瀑眼聽瀑在君卷卷中有瀑聽不明風聲水聲琴  
筑聲聲聲入畫畫堪讀畫山得山真面目入山人苦出山  
來安得山人返初服畫中有君山則無匡君不來君倘孤  
君歸不歸早語我白蓮華中結廬可

復爲白庵題石湖課耕圖

君思石湖耕我思石湖漁畊夫與漁子來往湖天俱湖天  
不曾住畫裏逢君處我欲盪舟來繫君湖岸樹樹外畫湖  
田君耕定幾年煩君爲點筆堆上綠蓑烟

家松嵐觀察招飲賦贈

菊花同借住不似此間秋識面已時晚燒燈來夜遊一琴  
空淥水四壁補滄洲坐臥不能去鼓書高過頭

匹馬應官日邊霜海月間多生此僊骨五十尙朱顏泉出

何曾濁雲高且暫閑山房誰作伴所得是房山齋有高房山小像

一笑一年留雙鬟雙槩遊江南圖畫裏有此古風流載得

好春去明湖無盡頭但令桃葉唱莫管柳枝愁

吾思李子喬一鶴去迢迢詩筆極天瘦吟魂過海招鄉賢

復相見客興忽孤飄奇句無人賞鱸魚祭板橋詩人慣作周旋事定

買鱸魚祭板橋集  
中贈顏運生句也

清遊一往復江月欲飛同小住秋成海高談夜若雷酒論

千戶過鯖傲五侯來預訂消寒約陰何此撥灰

寒夜讀甘亭詩卽柬

寒空月落但參橫吟卷攜來劇眼明  
終夜悲歌入燕趙少年奇氣壓幽并  
多應學道能耽寂便欲逢時已厭名  
君病頭風吾病肺蘇蘇庭樹各秋聲

江館偶書

狼籍秋花滿砌鋪欹烟側雨似江湖  
衣從斷雁聲中寄書到枯魚泣後無  
垂老漸知禪况味得閒還著睡工夫  
日來寒井波全息多事鄰家響鹿盧  
聽盡嚴城畫鼓撾故交相對憶年華  
薄寒得酒勝添絮殘夜看書成隔紗  
落葉荒荒人惜別啼烏隱隱夢還家  
原知江上柴門冷十里雲停路易斜

朱芝山爲廉山作山水幀卽名之曰廉山圖余爲賦  
此

以廉名泉人所沾以廉名山誰所呼不知廉山山有無混  
沌開出廉山圖廉山何有有草廬有竹有樹清而腴腴亦  
不腴枯不枯山骨一瘦無肌膚稜稜圭角凡山殊貌君以  
山山不愚兀然特立偉丈夫廉山半生江海湖一官南來  
意氣孤吏牘積案如追逋督郵無日無奔趨朝來拜石笏  
未除乃與萬石君爲徒鬱林船歸裝有餘買山之願徒區  
區開圖示我山中居山人有山廉不虛廉山廉山慎弗山  
齟齬我歌請飭君廉隅

題唐賢遺像



李供奉

脫却宮袍去騎鯨向大荒堂前成一笑巾帔忽飄揚客夢  
飛天姥仙顏照夜郎酒中呼得否星月墮蒼茫

杜文貞公

人曰人何處當年涕淚遙詩篇足離亂圖畫尙飄蕭風雨  
幾間屋烟塵萬里橋杜鵑歸未得再拜亦魂銷

韓文公

韓潮一枝筆終古落潮州面識衡山早魂來華岳秋斯文  
有神護茲卷絕風流還恐雲中去騎龍白日遊

白文公

不見香山老衣冠九百年龜留窮海外亭在莫江邊忠愛

生前謗風花夢後天醉吟吾未敢低首到坡仙

鼎鏡歌

飛光挂壁搖瓏玲月脚下漏烟絲青蟾蜍三足化爲鼎水  
鏡一失無圓靈爲方徑五寸四角聲丁丁奇文錯雲雷幻  
象生風霆雙龍蟠繞出其背一珠動若波涵星鑄成當日  
走魑魅不用禹寫神姦形我疑黃帝煉丹日古鏡十二懸  
玲玢又疑秦皇求大藥六宮膽鏡窮杳冥仙人入海骨已  
朽中有塵面風吹醒舐鼎空傳雞犬去對鏡不見鸞皇停  
鏡兮鏡兮汝既不列容成之鏡銘又不入扁鵲之鏡經空  
留此鏡弔今古鉛淚一掬銅仙零稱名漫託天廟器誰執  
鼎耳相丁寧鏡兮有知鏡請聽不如隨我栖巖局置汝硯

側俾作屏曰養內景鈔黃庭

冬窗絕句

故人喚我作清遊  
樹樹西風寺寺樓  
過得江來纔幾日  
扇頭不是白蘋秋

三逕經年草未除  
全家離索意何如  
十日鯉魚風色冷  
池塘不寄一封書

蕭蕭寥寥霜色天  
埽空心地到庭前  
白翁畫竹故可惱  
今

雨不來來古烟

謂白庵

更生居士好頭銜  
棕鞵桐帽芙蓉衫  
長風吹夢渡淮去  
烟

水盡頭抽短帆

送稚存丈之淮上

一路寒雲覆酒家  
酒人幾箇在天涯  
尋君忽向畫中過  
風

竹掃門啼亂鴉

過宋芝山不值

潑眼清光在短牆  
香烟幻出影幢幢  
寒花不放小春去  
時有一蜂吟紙窗

晴鳩雨鳩朝互啼  
等閒又唱午時雞  
麝烟橫斷小樓角  
知有行厨開竹西

小詩清絕數城東

胡城東欲人能作小詩

未得從君酒一中  
後夜圍

爐須索句相逢合  
在短屏風

楊枝柳枝湖上多  
也思雙槳打湖波  
無端憶著瀟瀟雨  
底處聽來緩緩歌

一夜霜風盡倒吹  
閒園可得董公窺  
秋花只賞橫斜格  
離落支撐却要誰

身世真如惶恐灘鄉心流不到吳關彭郎磯下風波惡曰

日風波還未還

謂甘亭

賣田苦早買山遲襤褸生涯百不知一事還家應較勝催租無復打門時

四五更天醉復醒醒來一步一吟屢披衣不惜犯風露獨立天邊看酒星

冬窗後絕句

凍雨寒雲夢不醒勞勞盡日上江亭夜來忽被天河笑可有銀槎勸客星

岑華筆底海潮降昨夜相逢倒玉缸風笛未終人已去臥

吹橫角下空江

吳巢松由吳門之潮州

愁寄高樓望遠天歸林一帶起寒烟蘆花飛白江南夜也似春城絮放顛

橫竹吹來蔣秋竹一枝叫破春江綠

紀丁巳春南昌舟中事

醉倒聽

渠說戰場夜烏飛入尊前曲

短李

庾人 陳墓

已乾天涯投老有方干

子日來詩與能

添否埜竹山梅破曉寒

寂寞詩城近若何性靈到死未銷磨生平不著推袁句酒

與倉山淚最多

與子雲話隨園舊遊

多謝金郎寫豔詞燈前自笑髻成絲錦囊貯得傷心集畫

壁吟殘本事詩

二語手贈句

姜家公子

珂

亦飄蕭影似霜鴻過板橋手出故人書一紙

重重封裏當紅綃

繭紙烏絲拂麝煤飄零篋衍手重開破書如葉燈如豆幾

處秋墳唱過來

時方緝故友遺稿

老大心情百事非當年曾製七襄機天吳紫鳳都顛倒怕

聽旁人問嫁衣

湖海新編萬首詩人間留得是清詞前途也識狂瀾倒可

要篙工轉柁時

時述庵先生刊湖海詩傳

閒吟冷醉鬪清酣老去風花漸不堪明日打包今人定一

家風味兩僧龕

示道裳

硯池欲冰小燈孤七尺寒衾似水鋪已是酒醒眠不得風

窗一夜凍禽呼

重修泰伯墓二十六韻

古墓詳周牒遺墟說讓王披榛重覓路采藥背逃荒天步  
開松柏姬圖紀歷桑文孫能主器令子遂襄裳地竟辭岐  
下人先肇首陽名齊還伯仲德至卽虞唐端委衣冠俗山  
林華路疆蠻風方變易世澤不延長未得孤邱返從看馬  
鬣防封圻聯越絕氏族衍周章遜國多賢哲爭盟歷僭強  
劍池騰虎氣窟室冷魚腸鬼已謀宗社神應泣饗堂誰家  
走麋鹿此地牧牛羊破冢風雲守幽光日月藏廟儀稽漢  
晉漢永興初吳郡太守麋豹修之晉太寧元年詔祠泰伯  
用王者禮殷師爲晉陵太守嘗表其墓置守冢一家  
域志表殷商江南志殷迺者更千禩難言護百祥壁穿疑  
魯殿門對尙吳閭士也生南國君哉弔北邙上公靈爽在



賢令禮文將斷髮思閭左握衣式道旁埽除憑棘矢祭奠  
到椒漿柳下樵同禁棠陰翦勿忘勒碑曾立石磨甕更循  
牆梅里鴻山近墓在鴻山一名皇山即古梅里也梧宮鶴市涼無稱安敢  
述載筆重吾鄉

寒夜

寒風催急景悽斷五更前落葉不到地繁星都上天聽鐘  
無靜夜把盞有長年易得離魂黯爐香伴茗烟

連日病肝客窗蕭寂適家松嵐以病中作見示燈下  
率效其體

凍雀驚飛滿少林古牆一角占窮陰身如病木愁春到影  
對寒花覺夜深剛好圍爐偏禁酒每貪面壁不安琴悄悄

舊雨牀前話觸起家山萬疊心

吳巢松下第出都省親潮州官舍道過邗江賦此志

別

酒客如塵散離人共葉飛開顏今日乍識面此才稀浪跡  
容歌哭浮名有是非大江休濯足先浣洛陽衣

往者征南日從軍意氣豪詩篇追杜甫羽檄數枚泉馬骨  
行邊瘦鯨身蹋浪高卽今搖筆去天半落風濤巢松從軍海上著有

征南集

遽作風塵別仍衝瘴癘行流亾誰議撫游情盡談兵海鯨  
驅無力天狼射有聲賈生能慟哭何策慰昇平

絲竹彭宣

甘亭

感風雲樂毅通愁飛騰空半世潦倒幾諸侯

鶴怨深山夜鷗寒極浦秋珊瑚無一樹誰纜海天舟

吾友周郎少奇才眼底無狂吟登落雁縱酒出飛狐唾手

千金散投身一劍孤書來顛倒拆老淚爲渠枯

昨得周傳雲秦中信

月地濛濛樹霜天澹澹河清暉方惜別濁酒且當歌掃逕

狂花盡登臺腐草多秋風生急吹其奈竹西何

海氣南荒暗河流北地渾以余勞歲月羨子侍晨昏柳罷

纏綿意楓來黯淡魂相思腸百轉一昔繞吳門

### 硯鏡

石火無留光鏡花有妙旨硯屏古不傳設用在矮几吾生

愛靜夜坐隱亦自喜讀書資蘭膏作字借繭紙石田畊不

了銀海眩曷已我疑眼乍昏或者心未洗黑白雖自守丹

黃竟莫使漫言燈傳燈安得水濟水忽攜鏡向背頓徹硯  
表裏道光而天下神定乃止止譬如第一珠珠輝散離紀  
又如第二月月影非所擬功從收視得緣以返照起有耀  
固自他取鑒必在彼方悟至人法能妙萬物理但容內念  
惺終攝外景美莊懲有用用老訓無始始冥情元又元鍊  
魄死未死圓神須一室方寸卽千里鏡兮倘可銘觀心吾  
與爾

### 寒草

寒林不可尋小草自冬心易得斜陽暖難迴大地陰芳時  
經蝶戀枯後憶蟲吟野火休輕到閒庭深更深

### 問訊

問訊山梅發幾枝朝來臘破一相思江湖信阻哀鴻急庭  
院寒生病鶴知被酒且徵筵上曲燒燈重檢篋中詩歸心  
不其風帆挂早是天涯策蹇時

寒月

青女連宵鬪素娥當頭隱隱見山河九秋寶扇都乘霧一  
水空簾欲起波高處不勝誰愛惜圓時無幾況銷磨淒涼  
金井桐枯後小鳳驚寒奈爾何

吟成報友人

吟成韻字寄君家獨卷霜簾聽暮鴉已是闌珊還病酒無  
多旖旎不勝花淒淒畫角支更漏悄悄書燈伴歲華祇隔  
寒城二三里水屏山枕當天涯

錢獻之歸漁圖

菰蒲蕭蕭接天綠江岸橫斜酒旗矗此間只少漁家屋一竿一笠風飄然沙灘人影如鷗圓此間只少漁家船誰歎圖者元真子我入君圖亦歸耳漁弟漁兄自茲始

畚甘亭夜話之作卽留別賓谷丈

聚散將歧路浮沈且醉鄉霜燈殘歲逼風柝五更長住久成依戀談深到激昂自知傷老大茲會不尋常

釀雪天方苦衝寒客尙過花光三市競菜色一城多雁動流離歎烏聽暇豫歌不堪塵土夢早晚渡黃河

梅萼寒香發松高朔吹來主賓俱灑落身世轉低徊叱馭憂長坂呼鷹弔古臺酒邊餘別淚不獨爲憐才

尚絅堂詩集卷三終

尚絅堂詩集卷三十八

陽湖 劉嗣綰 醇甫

十上集

乙丑

余應秋試者六至是則又四上春官傀儡場空邯鄲  
道遠名曰十上行自笑也

人曰蓉湖舟中同魯思筠村

一櫂蕩烟水蓬蓬來遠春泉聲在山日酒味別家人老覺  
塵心淡窮餘友誼真白雲應笑我不肯住閒身

初十日晚霽歸自山中示同遊者兼以志別

青楓樹底白楊根繫纜重尋古岸痕鬼唱晚來連野渡人  
烟寒處入荒村舊山不隔明明月新水能銷黯黯魂後夜



夢中歸路遠梅花如雪鶴敲門

張舸齋招飲飲綠山房梅樹下別後却寄

吳帆破春飲江綠一笑尋梅入君屋翠禽喚客三兩聲獨  
鶴導我梅邊行主人風骨清如此玉屑霏空冰入齒松窗  
竹閣氣氤氲襟袖飄來冷雲裏南枝北枝相間紅東崦西  
崦青濛濛三山住家四山客遊草一卷開當風舸齋合天  
白雁岩匡  
爲廬黃山紀遊詩  
猶是讀君詩一口寒香夜深嚼

楊子江雨泊

江雨夜冥冥離心落遠汀戍更沉節鼓船火亂春星客路  
輕憂患名場減性靈不辭彈古瑟知有水龍聽

春江詞

柳枝飄烟黃不已風約游絲落沙尾門前春水是秋河一  
寸橫波一千里吳波橫斷雨脚青美人行夢瀟湘屏屏風  
曲折入平遠雁路如繩幾時轉

答張鶴舫贈別

邨亭壁上君尋我鶴舫於旅店中見余題壁詩爲訂交始官閣尊前我別君  
未免行藏關世慮翻因去住惜離羣春疇待補三冬雪曉  
桐還停一宿雲烏帽黃塵等閒事不愁騰笑北山文

邵伯舟中雨夜

斷江連江岸孤蓬入漏天燒燈支永夜把酒勸長年野曠  
明窑火村寒濕爨烟浪遊非所感風雨漫湖田

詠廉山齋中二石

伏豹

豹斑琢破南山阿金錢艾葉煇爛多一卷石耳吐光怪中有起伏成坡陀豹兮能伸亦能屈不肯留皮祇留骨世人却少全眼窺坐使文章變奇鬱主人五岳填當胸生氣突出盤蛟龍石但飛來莫飛去隨我還山隱山霧

臥虎

絕有力者負而趨突然一石虎在隅馴擾曾來杏林守奇僵忽與松根俱穴中何人手探過此石疑從虎邱墮谷風嘯斷不聞聲笑爾當關等閑臥泰山一哭生愁雲世間紛紛封使君虎哉忽使角而翼飛將軍來射不得

渡黃河

風色一行雁河流尺半魚相逢有歸客無暇作鄉書酒店  
青旗字人家白板廬不辭回首望立馬亦欲歎

北風歎

宿遷道中作

北風健於虎走石飛行人塵沙卷空高過屋道旁颺忽埋  
車輪前年此地遭河患十萬遊魚釜中爛去年河涸停糧  
艘舟中鴻雁聲嗷嗷篙工枵腹鬪身手驚擾村居到雞狗  
長官不早繪流民十室逃亾今八九鳩形鵠面遮前途身  
上那有完肌膚書生媿乏治安策已饑已溺無良圖皇  
衷宵旰憂方切嗟我征塵敢遑息北風呼號爾勿亟聞聞  
風來轉原隰

見新柳

江南新柳色分得幾絲黃  
乍蘸衣邊雨還飛笛裏霜  
書迴金雁驛夢斷碧雞坊  
莫近高樓折樓中易斷腸

騾車謠

騾車搖搖騾行危橋騾車兀兀騾行亂石  
吁嗟行路視此騾騾兮騾兮奈爾何

車渡河騾沒腹騾夫驅之赤雙足冰堅肌裂不得前叱騾  
登岸行山顛騾鳴向天以鼻語車中有人淚如雨

騾生駒一口東家牽駒別騾走騾戀爾駒顧爾後騾夫語

騾騾俯首嗟嗟騾夫騾父母

僕夫減餐客楊腹買料食騾如買穀豆一把稽半束爾騾

骨立無片肉騾兮但瘦慎勿肥荒年賣爾將充饑  
槽空騾奔聞騾聲吞三更飼騾四更出門鞭騾出門踢塵  
土朝鞭暮鞭爾騾苦爾騾之苦我則思我行且返騾知之

### 宿半城

嵐翠壓天際一鞭來半城晴烟開樹色雪瀑下冰聲晚店  
鴉爭肉春疇犢勸耕此間官吏小辛苦事將迎

### 柴莊曉行

征衫逐日酒痕深驛路搖鞭只獨吟殘雪照如人出塞曉  
星低似火投林磨牛自蹋年年跡櫪馬難平夜夜心莫怪  
霜風天半起亂山排劒倚千尋

### 熬陽道中見覆車者作

朝發蒙山陰，莫宿嵒山陽。兩山東平坦，茲地殊巖疆。嗟我同行子，僨車獨徬徨。豈蹈朽索危，遂貽脫輻傷。衡當審邪正，轡貴知柔剛。扶輪固爲善，改轍良所妨。吾儕慎路歧，彌復慮坂長。爲平有陂側，在險無康莊。失足尺寸間，勢踰尋與常。難免躓於垤，安能陟彼岡。勗哉語僕夫，幸勿前車愴。

山村步行不覺失路

山田高低蹢躅殘，凍平綠如烟。互迎送日斜，問路無行人走。揖邨前石翁，仲誰家僕從。車麟麟九天高處飛，黃塵朝來策蹇羊流過我。憶襄陽墮淚人。

車中雜咏

簾

小學垂簾隱車中卽睡鄉易迷三里霧輕護一重霜倦誤  
屏風觸談疑步障防近來新婦老閉置太偎偎

燈

跌宕霜燈影相隨出板橋沿堤一水落隔樹數星搖乞火  
投孤驛分烟逐短宵莫教風易滅殘夢照迢迢

鈴

拉雜連朝雨丁當徹夜鈴宮音牛鐸合急響馬槽聽歷歷  
門前樹勞勞陌上亭曉風吹斷處別語最零星

帆

不信陸行路一帆端正懸車真看下澤馬只似乘船八幅  
同搖曳孤輪自轉旋愧余朝復暮常與逆風緣



旗

小隊牙旗矗斜吹獵獵聲回頭應返旆極目但懸旌酒店  
貪留字官橋怕問名不須竿影立風角便占程

崗山驛

雷走石稜中鞭呼一徑通緣山蛇鳥道出谷馬牛風劍戟  
叢林滿弓刀畫壁空候兵方被酒閑趁曉暎紅

晏城經晏公祠

舊俗傳萊子荒祠弔晏公三廬塵近市半畝草成宮鞭執  
清風表裘披古雪中自慚身七尺展拜只匆匆

白楊曲

白楊樹鴉啼處千年鬼語作人聲亂碣如山不知三五更

搜風生白烟沙月一燈黃可憐東家冢上春人影昨夜桃花種作田

雄縣早發示蓮裳

各有邯鄲夢來尋暇豫歌江關泣商婦風月憶秦娥壯志題橋盡前塵畫壁多與君殘燭底彈淚說蹉跎  
古道鞭絲影牽愁爾許長霜風入鈴鐸星月滿衣裳沙草非歸路烟花有散場邯鄲休厭簿一醉且爲鄉

偶題二絕句

四條絃上語春鶯半雜風聲半雨聲不信青衫還不濕楊枝淒斷似平生

隨意看花總霧中天涯只合怨飛蓬傷心一寸離筵蠟獨

擁殘衾唱惱公

清明飲天橋酒樓

橋頭春色如酒濃  
橋上春衣吹好風  
千絲萬絲水楊柳  
綰住嬌郎嘶玉驄  
玉驄顧影嬌復嬌  
美人踏青金步搖  
三三五五出城去  
夾路花香高下飄  
我時樓中方醉歌  
燕語鶯聲相間和  
紅塵自動白日靜  
愁煞西山雙畫蛾  
樓中當日多酒人  
有酒忽澆今日墳  
紙錢飛灰作黃蝶  
眼見鬼桃成古春  
春來春去春可憐  
安得春人常百年  
荒原寂寂罷烟火  
大道根根空管絃  
管絃煩促不可聽  
落日歸鞭何處停  
回頭却看剏埵樹  
無限波濤浴酒星

法源寺看丁香花和香竹

開徧遊春日日車別投古寺當還家一庭綠意欲成水十  
載素心如此花鈴語短長催客夢酒痕深淺落天涯蒼苔  
半晌膏騰坐盡眼東風總隔紗

浣霞屬題甲子除夕祭詩圖

粵昔歲辛酉除夕羅雞豚君開祭詩筵詩客俱在門船山  
手寫圖各各詩篇存君圖忽再寫君詩爲重論往者祭詩  
客鴻爪留泥痕因君圖上詩愴我詩中魂嗟我長饑驅抱  
卷聲先吞憂患四十年風雅道不尊賣漿感公子乞食羞  
王孫詩魂亦來唁千里窮追奔倒枕夢秦越高歌激乾坤  
所恐肝膈露願言性情敦飄然馭六氣超絕遊八垠海色  
凌蓬萊河聲走崑崙濛濛日月吐落落星辰捫凝精貫帝

仙山詩集卷三  
圖鍊魄歸皇墳庶幾後百年留伴青楓根飽子一夕德償  
我千秋恩我羞祇蘋藻我薦惟蘭蓀作詩當巫歌請擊老  
瓦盆

過蘇齋留別覃溪先生

遊倦春明小駐驂名場過眼到禪龕典型尙說靈光殿燈  
火來尋老學庵閱盡雲烟依日下吟成風雨落江潭置身  
金石叢中好周鼓秦鐘譜雅南

半刺懷中已厭投飄蕭重憶少時遊慣經大海迴風島聞  
上滄江貫月舟未過文章留別賞將殘絲竹起離愁年年  
雅會蘇齋盛夢遍杭州與潁州

先生每過東坡生  
日設祀蘇齋中

出都口號別同人

別酒臨歧百感生去留心事不分明軟紅儘有清涼界笑  
我翻爲觸熱行

青眼高歌日幾回西山送客獨遲迴棗花一路垂鞭過傲  
得諸公走馬來

半生襤被走東西畫篋書囊只獨攜料理他年偕隱事介  
山老母鹿門妻

過涿州

來時插柳去成陰陌路春光懶再尋渺渺雪鴻留舊爪蕭  
蕭風馬入歸心老攜市上吹簫伴窮却人間賣賦金獨有  
易陽城外水年年嗚咽送哀音

夜憩古墓旁有述

陰雲垂天冷星射鬼燈團露青楓下牧童敲火出林來石  
馬相看淚如瀉壞垣無衣松子飄釵影自直風蕭蕭怪鴟  
學語野狐拜窺見夜臺人寂寥車聲迢遙度長坂拉雜叢  
鈴不辭遠一絲冷夢忽牽迴竹葉蒲根泣烟晚

### 南沙河遇大風

鞭影晚投村荒荒落日昏四山低瓦色獨樹上沙痕火亂  
神鴉起風旋鬼馬奔昔年饑疫地應有未招魂

往年過此  
值大饑

### 陰平曉行夢蓮裳書此却寄

魯柝催人曉過邾鞭絲和月獨踟躕一山背郭看殘晝亂  
石當門讀古書重疊夢勞燈記憶零星恨借酒消除燕南  
尚有悲歌客手寫新詩寄望諸

望嶧山

古云屬者嶧爾雅真山經驅車茲山下繇旦無殊形挺生  
巖巖叟位業開真靈東封倘擬岱一例同云亭咄哉始皇  
愚刻石乃勒銘斯也跡破碎斤斧無時停至今牧火燒往  
往生雷霆秦灰不敢黑石骨皆空青松耶柏耶間鬚鬢張  
翠屏金光一莖草上燭軒轅庭初霞麗崑谷古瀑奔滄溟  
吾將絃孤桐彈作鈞天聽

舟過高郵居民被水者十之五六矣愴然賦此

湖村留得幾漁蓑瓠子聲中放棹歌  
艸樹際天粘碧浪蛟龍移宅灌黃河  
甃沉淮北憂如此米到江東貴若何  
欲起文游臺上客中流無地着悲歌



五月十一日抵里門競渡之會燈船簫鼓轟飲達旦  
同人邀余作競渡詞紀之

黃河歸路繞城腰來上西盡舊畫橈展得天中剛五日魚  
龍曼衍盡迎潮

黃帽兒郎卷白波中流簫鼓應靈鼉湖頭忽憶鴟夷恨別  
唱吳儂小海歌

白雲渡口綠楊樓晶箔家家上玉鈎蕩出月波三萬頃更  
無人解弄珠遊

笙歌賽得語音圓十斛珍珠各自穿只我闔門腸繞慣誤  
尋殘夢上吳船

謝公爭手陸郎簫

謝陽書陸開三音律爲  
吾郡之最今俱下世矣

自過中年太寂

寥擬與湘纍同一哭客魂零落不堪招

花枝扶影下樓臺草草清歌送客回留得夢魂深夜住雲  
英月采獨徘徊

還山

關河蕭瑟罷登臨散髮還山只苦吟行處樓臺如敗蓋到  
來鐘磬是空音聽泉一夕通仙語倚樹多時得野心欲訪  
故人前路遠冥濛烟月隱遙岑

寄李申耆孫平叔汪竹素三吉士

海鶴無近姿天馬無凡聲志士期自立矯矯超羣英諸君  
茂華實盛藻揚天廷珥筆分所宜要在抒丹誠文章本忠  
愛一念關重輕稽古貴有益無爲競時名世俗逞浮夸所

失迺性情余言非過激神聽當和平  
國士賤同聲賢女羞自炫紛紛侯門裾朱紫衆所豔榮枯  
俱外附寵辱忽中戰遂令七尺身俯仰逐世變一得貽百  
失茲事足懲勸特達伊後圖固窮乃初願交爭方希恩獨  
退反召怨痛哭誰復知吾思古狂狷